

Manmaw Saradaw Ginwang Hta, Ramma Ni A ( 5 ) Lang Ngu Na  
Hkrum Zup Hpawng Galaw La Lu Sai Shiga

Manmaw Saradaw Ginwang, Ramma Ni A ( 5 ) Lang Ngu Na, Hkrum  
Zup Hpawng hpe,Deng ( 2 ) Aung Thar Ginra Hta,October 26 -28 Du  
hkra, Jahkrum Bawng Ban La Let, ( 5 ) Lang Ngu na, ramma ni a,  
hkrum zup hpawng hpe, 2020 April shata Shwegu Jau Ginwang hta,  
galaw na hpe,Manmaw Saradaw Ginwang, Ramma Lit Hkam Wajau  
Columban Labang Lar Di kaw na, tara shang ndau shana dat ai lam chye  
lu ai.Bai Ramma Ningbaw John Bawk Naw kaw na, zup hpawng a yaw  
shada lam, Ramma Communication kaw na, ningmu jahpaw machye  
machyang lam hpe, jau ginwang shagu de, sa du hkawm na hpe sang  
lang dan ya lai wa sai.Dai hpang, Wa Saradaw Raymond Sumlut Gam  
kaw nna, Hkahtawlik Nawku Hpung Matsun madun ai hku hkan sa  
galaw nna, ramma ni yang prat lahkam dep lu hkra, myit hkrum myit ra  
rai, ra kadawn ai lam ni hta, bungli byim hkra shakut sa wa na matu, n-  
gun jaw ya ai hte, Manmaw Saradaw Ginwang A, Amu Madu,Wajau  
Francis Saw Pay Han Kaw nna, ramma ni a magam bungli hte Seng ai  
ahkaw ahkang, nawku hpung kata hta up hkang hparan sa wa na hpe,  
ramma ni hpe,hpaji jaw la ai hte, Manmaw KMSS, Lit Hkam, Wajau  
Micheal Tang Gun Kaw na , Human Trafficking ngu ai, Masha hpe  
Hpaga galaw ai hpe, ning hkap ai machye machyang , Mahkrum madup  
hpe, sharin ya ai hte, Matut nna mung, October ( 28 ) ya shani, Wajau  
Columban Labang Lar Di Kaw na, woi awn let, ramma ni hte rau,  
Manmaw, Nyawng Pyin Yat lawk, Robeb IDP Camp kaw nga ai, Hpung  
masha ni hpang de, sa du gawan akyu hpyi, Missa hkungga nawng ya lu  
sai hte, zup hpawng bawng ban ai hta, Jau ginwang shagu na ramma  
ning baw ni yawng marai ( 40 ) sa du shang lawm let, Zup Hpawng Hpe,  
Awng Dang Ai Hku Galaw La Lu Sai Hku Re.